


**CONSELLERÍA DE AGRICULTURA, GANDERÍA E MONTES****Xurado Provincial de Montes Veciñais en Man Común**

Edificio Administrativo de Servicios Múltiples - Monelos - A CORUÑA - Tfnos. 18 59 02 - 18 59 03



Aos efectos oportunos comunícolle a resolución do expediente de calificación nº 323 do monte "De Alborés", dos lugares de Alborés de Arriba e de Abaixo, parroquia de Alborés, concello de Mazaricos, segundo o acordo deste Xurado na súa reunión de data 13 de xuño de 1997:

"Reunido na data 13 de xuño de 1997 o Xurado Provincial de Montes Veciñais en Man Común da Coruña, baixo a Presidencia do Ilmo. Sr. Delegado da Consellería de Agricultura, Gandería e Montes, D. Rogelio Aramburu Núñez, coa asistencia do Vicepresidente Ilmo. Sr. D. Angel Barrallo Sánchez, Maxistrado da Audiencia Provincial da Coruña, os Vocais, D. Andrés López-Suevos Fernández, Xefe do Servicio de Montes e I.F., D. Alfonso Vázquez-Castro Garma, Letrado do Gabinete Xurídico Territorial da Xunta, D. Juan Ramón Beneyto Bellas, representante do Colexio de Avogados da Coruña, D. José Manuel Caramés Franco, representante das Comunidades Veciñais de Montes en Man Común e do Secretario D. Manuel Puente Araújo, Letrado da citada Delegación, para estudar e resolve-lo

Expediente nº 323
Monte: De Alborés
Lugares: Alborés de Arriba e de Abaixo
Parroquia: Alborés
Concello: Mazaricos

ANTECEDENTES DE FEITO

12. Diversos veciños dos lugares de Alborés de Arriba e de Abaixo, parroquia de Alborés, concello de Mazaricos, solicitaron con data 22/11/1994 deste Xurado, a declaración como veciñal do expresado lugar, do monte arriba citado e que ten as seguintes características:

Superficie: 55,42 Ha.
Lindeiros:

Coincide ca parcela I do monte "Castulo, Outeiro, Madeira de Lobo e outros", nº 103-E do C.U.P.

NORTE: Propiedades particulares de veciños de Alborés, do piquete nº 3 ó 7, seguindo a orde de piquetes. LESTE: Propiedades particulares dos lugares de Alborés de Arriba e de Abaixo, do piquete nº 7 ó 35, seguindo a orde de piquetes. SUR: Parroquia de Maroñas, dos piquetes nº 35 ó 38, seguindo a orde de piquetes. OESTE: Parroquia de Baos, do piquete nº 38 ó 49, déste ó 1, e do 1 ó 3, seguindo a orde de piquetes.

29. A vista de tal solicitude, o Xurado, na súa reunión de 01/12/1994, acordou inicia-lo oportuno expediente nomeándose como Instructor do mesmo a D. Juan Ramón Beneyto Bellas, quen aceptou expresamente dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Muros, oíndose a tódalas persoas, Organismos e Corporacións interesadas, expedíndose mandamentos a tal fin dirixidos ao Sr. Alcalde Presidente do concello de Mazaricos, ao Xefe do Servicio de Montes e I.F. e publicándose edictos no D.O.G. (nº 247 de 28/12/1995), taboleiro de anuncios do concello e lugares de costume.

30. Os veciños de Alborés de Arriba e de Abaixo fundamentan a súa petición perante o Xurado Provincial de Montes Veciñais en Man Común en que desde tempos inmemoriais veñen aproveitando de forma consuetudinaria en réxime de comunidade sin asinación de cotas, segundo os usos e costumes, o monte correspondente a dito lugar. Presentan copia de escritura de outorgamento de foros correspondente á feligresía de S. Mamede de Alborés, así como de escrituras de cupos particionais, herdanzas, etc., que acreditan a orixe do monte.

Tal petición é informada favorablemente polo acordo do Pleno do concello de Mazaricos de data 29/07/1994.

40. Na tramitación das presentes actuacións cumpríronse as formalidades legais e regulamentarias, esixidas principalmente pola Lei 13/89 de 10 de outubro de Montes Veciñais en Man Común, e o seu Regulamento de aplicación aprobado polo Decreto 260/92 de 4 de setembro, ambos da Comunidade Autónoma de Galicia, Lei de Procedemento Administrativo e demais disposicións aplicables no caso.

FUNDAMENTOS DE DEREITO

1º. O Xurado Provincial de Montes Veciñais en Man Común da Coruña ten xurisdicción e competencia para coñecer do presente expediente en virtude do disposto nos arts. 9 e 10 da Lei da Comunidade Autónoma de Galicia 13/89 de 10 de outubro de Montes Veciñais en Man Común.

2º. En conformidade co contido do art. 11 da citada Lei e 19 do Regulamento, aprobado polo Decreto 260/92, de 4 de setembro, os veciños de Alborés de Arriba e de Abaixo, parroquia de Alborés, concello de Mazaricos, son parte lexítima para solicita-la iniciación do presente expediente de calificación.

3º. Para a súa calificación como veciñal en man común o monte debe reuni-las seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sin asinación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con "casa aberta" dentro da área xeográfica sobre a que se asenta o grupo social que tradicionalmente aproveitou o monte (arts. 1, 2 e 3 da Lei 13/89 e 1, 2 e 3 do Regulamento de 4 de setembro de 1992).

4º. Das actuacións obrantes no expediente, e en especial da comprobación do que se expresa no punto anterior, dedúcese que no presente caso nos encontramos cun monte pertencente á Comunidade Veciñal de Alborés de Arriba e de Abaixo, parroquia de Alborés, no que se cumpren os aludidos requisitos.

Por iso, este Xurado, á vista dos antecedentes e Fundamentos de Dereito expostos, nesta data,

ACORDA calificar como Monte Veciñal en Man Común da Comunidade Veciñal dos lugares de Alborés de Arriba e de Abaixo, parroquia de Alborés, concello de Mazaricos, o denominado Monte "De Alborés", cos lindeiros, superficie e características que figuran no primeiro antecedente. Asimesmo, se acorda excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Agricultura, Gandería e Montes da Coruña".

Contra a presente Resolución poderase interpoñer Recurso Contencioso-Administrativo no prazo de DOUS MESES perante o Tribunal Superior de Xustiza de Galicia, contados a partir do momento de recepción da presente, segundo a ata agora vixente Lei de Procedemento Administrativo.

A Coruña, 13 de xuño de 1997

O SECRETARIO DO XURADO,

VO e Pr.

O PRESIDENTE DO XURADO,



Asdo. Rogelio Arambur

Asdo. Manuel Ponte Araújo



DESLINDE TOTAL DEL MONTE CASTULO, OUTEIRO, MADEIRA DE LOBO Y OTROS

Nº 103-H DEL CATALOGO DE U.P.
AYUNTAMIENTO DE MAZARICOS
PARROQUIA DE S. MAMED DE ALBORES

ESCALA 1:5.000

CABIDA PARCELA I 55,42 Has.
CABIDA PARCELA II 1,87 Has.

CABIDA TOTAL 57,29 Has.
CABIDA ENCLAVADOS 7,46 Has.
CABIDA PUBLICA 49,83 Has.

CABIDA ENCLAVADO	B	2,38 Has.
"	D	0,32 "
"	E	1,23 "
"	H	0,83 "
"	I	0,72 "
"	K	0,70 "
"	M	0,52 "
"	O	0,47 "
TOTAL		7,46 Has.

LA CORUÑA, FEBRERO 1962
EI INGENIERO OPERADOR,
M. Gómez

